

# VON ALLEM JET

ADELE MÜLLER

## DE 60. JEBUURDSDAACH


Usse Hannes wuurd sechzich Johr. E paar Moond vüürher hatte me att et Veeinslokal jemeet un fүүr jood Esse un Drinke jesorrech. De Vewandte von Dresden kohmen ahnjereeß un wuurtent zom Schloofe em Ahnbau ennquartiert, jrad jäjenövve vom Honkszwinge, wo de Rex, usse Schäfehonn, senge Plaaz hatt.

De Daach woor doh, un noh un noh dächten sich all Jäss ennfenge. Bloß dem Hannes seng Skatbröde dächten noch fähle. Endlich sooche me se öm de Eck eröm komme. Die hatten att jesaht, dat se fүүr en freudije Övveraschung sorje dächten von wäjen däm Hannes singe kräftije Ussdröck beim Skatspelle.

Nu woore me joh all jespannt wie ene Flitzebooge.

Op enem Heuwaage hatten se en jruuße Kess. Die wuurd em Hoff avjelaa-de, se mahten e paar Brädde loss, un e kleen Ferke kohm erusjespronge. Alles dächt sich kapott laache. Dat Dier leef tereck en de Jaaden erenn, zewschen meng schön Bloome un do-rech Kappes un Schafuur. Dat woor

mir ävve net zom Laache. Met menge jood Pluute leef ich henge däm Ferke her. Dat woor am quieke, un de Honk an eenem Stöck am belle.



Wo sollte me bloß dat Dier losse? De Hein schnapp sich dā Honk un braht en em Huus onge un stopp dat Dier en dā Zwinge.

Jetzt konnte me endlich opräche, un et wuurd och noch ene räch jemütliche Oovend.

Ävve am andere Morje kohm dat Problem. Dā Besuuch hatt nämlich kee Ooch zohjedonn en dā ärrech wärme Naach, en der se kee Fenste opkonnten maache, weil dat Ferke zoh ärrech

stinke dächt. Un et moht doch och jet ze fresse hann. Ne jruuße Pott Eerpel wuurt jekoch, met jet Mellech un Hafeflocke jeknätt, un, schlapp, schlapp, schlapp, hatt dat Schwein alles jefresse. Nā, su konnt dat net wegge jonn, Fröhe hatten se joh em Ovvedörrep bahl all ene Ferkessstall un jenoch ze foodere. Ävve höckzedaach jitt et dat doch net mieh.

Dā Hannes reef e paar Buure ahn, ävve keene wohl dat Dier jeschenk hann. Die hatten all Angs wäjen de Ferkeskrankheet. Hä kannt noch ene Kreechskameraad en de Eefel, dā wohl et joozogs nämme. Dat Ferke wuurd en ene Sack jestopp, un en et Auto domet. Et dächt von hengen bestialisch stinke. Beim Usslaade sooche me die Bescherung: dat Schwein hatt dā Sack dorechjebesse un et Auto ennesaut. Ich hann et jood reen jemaht, e paarmohl ussjewäsche, ävve me hatten noch lang Freud an dām Jestank.

Un de Hannes säht jetz keen böse Wörd mieh, söss jeht et beim 65. Jebuurtsdaach att wedde loss.

WILHELM NEUSSER

## HILFE!

De jruuße Ferie hann ahnjefange. Et ess en Hetz, dat de Kröh jappe. Wie et sich fүүrs Ängs Juli jehүүrt.

„Doh legg me sich et bess em Bösch“, säht de Tant Draudche.

„Au joh“, säht de Mama, die och net jern met uss Pänz nohm Maieschlämmche ode nohm Uhlerott an de Aache jeht.

Wat mir et leevs dächten. Ävve de Papa un de Ohm Jerred hann kenne Urlaub un können bloß et samstaachs nommetaachs met uss jonn.

Die Fraulöck hann jar kenne Baadeahnzoch. – Zweiunddressich? Bess de ahdich! – Strandbad? – Du kanns ävve frooge!

De Tant Draudche säht: „Ich backen ene Rofdekoosche, en Kann Kaffe nämme me met.“

Röof et Maria: „Au ja! Un Zitsch!“

De Mama säht: „Ich maachen och noch e par Waffele.“ Dat deht se de letzte Woche jern, zegg dām se e jöb-iese Waffeliese von de Oma jeschenk hätt kräaje, die säht: „Ich bruch et net

mieh. Dat ess me ze vell Arbeit. Ävve haalt et en lehre. Dat ess noch von de Urmotte!“

Dat lese kamme wie en Scheer opklappe, Deech dren donn, zwei Löffele voll. Dann moß meret op die jlöhnije Ovveplaat läaje, em richtije Oogenbleck ömdrahe un wesse, wann die Waffel jood ess. Dat moß de em kleene Fenge hann. Hätt de Mama, wenn de Papa net dobei ess un se esu lang kitzelt, bes serem mem Rührlöffel nohlöof un et Waffeliese vejiss. Dann schänk se: „Jetz kanns de ävve och die vebrannte Waffel esse!“

„Ess jood“, säht de Papa, „wenn ich dich dofüür noch ess kitzele daref.“ Dann laach se wedde un säht: „Hach, du ahle Töleme, wann wiss du endlich ens jescheed!“

Wo dat Waffeliese jetz ess? Dat wöß ich och jern! Wenn ich dat wöß, hätt ich lang ahnjefange, e Waffeliesemuseum opzemaache. Ode ich hätt et füür zwanzichdausend Marek om Fluhmaat ahnjebodde. – Dat jöövde net dofüür? – Mir ejal, dann behaalen ich et! –

„Wo jomme eijentlich hin met Kaffe un Kooche un Waffele? – Nohm Telejraf?“

„Nä“, säht de Tant Draudche, „net janz. Haleve Wääch zweschem Kohballich un dem Telejraf ess onge dä Dänne en schön Plaaz, net weg vom Zong von de Polleve.“

„Dänne“ heeschen heh de Kiefere, un wenn se huh jenoch senn, ess dodronge Schatten un vell Plaaz, bloß he un doh jet Faan. Ich jlööv, ich weeb, wat se für en Plaaz meent. Doh ess esu ene kleene Hüüjel. Wemme von dä m jäjen de Mettaachssonn leef, köhm me an die Stell, wo de Annonisbaach dat Päddeche lans de Zong schnegg un em Pollelebösch vörahnlöf.

Däswäjen froogen ich: „Dörve me dann och jet an die Baach jonn? Met bläcke Fööß?“

Uss Jriet quängelt att am Prinzewäldche, weil et esu heeb ess. Un bruch doch net ens jet ze schleefe, uuße senge Popp. Met dreiunehalev. Et Jriet, net die Popp. Die hätt et Chresskinche jebraht. – De Mama kühmp ävve och met ihre schwere Kabass, un weil de Höhneoge se steche – „Et jitt seche bahl ande Wädde!“

De Tant Draudche ess am unjemütlichste drahn. Se moß de janze Wääch dä Röffdekoche draage, om Blech, weile ihr ze schaad woor füür esu fresch ze schnegge. „Dann ess et em Bösch bloß noch Tätsch!“

Un nu draach ens esu ene haleve Morje Kooche om Blech, un bess am schweebde wie veröck un kanns de de Dröppche onge de Naas net fottwöschsche un moß de der Dröppche en janz Deel vom Hals en et Kühliche loofe losse! Se zeech et met dem Kinn, wat füür e Kühliche se meent.

Et Maria hätt de Kaffekann en ene Täsch, „Met vell Mellech drenn un noch ene Extraporzion Zucke, wie de

Mama netz jeluurt hätt!“ De Johannes, dem Maria senge Broode? Dä ess net met. Ich weeb net, wore hiness.

Mennestens zwei Stond semme jeloofo, wie me noh fönnfunzwanzich Menutte ahnkomme op dä m Berjelche. Un uuße uns ke Minsch ze sehn.

Et Maria un ich dörven teräck ens an de Annonisbaach loofe. Zor Vüürsich froogen ich net, ov me bläcke Fööß maache dörve, söss säht jozeggs eene nä.

Vedamp kalt ess dat Wasse, kenn hondet Mete henge de Quell. Ävve dä Sand en dä Baach ess esu mollich weech zweschen de Ziehe, en Schand, dat me sujet net em Bett kann hann.

Wie me weddekomme, litt die metjebrahte Deck op de Eerd, de Tant Draudche un de Mama hann ene Beche Kaffe en de Hand, uss Jriet hatt e Tässje Limenaad jedronke un ess, met dä m läddije Tässje em Hänkche, ömjekipp un am schloofe.

De Mama lääch ene Fenge op de Leppe un zeech op et, wat heesch: „Halt Ruh un maach me dat Weech net wach!“

Et Maria un ich kriejen och jede e halev Jlas Zitsch.

Wie ich de ierschde Zoch donn, jeht hengerem Zong vom Pollevejelände en Trööt, wie wenn se an de Bahn an de Jleise am arbeede senn un ene Zoch kütt.

Ich denke me nix dobei, och beim zweite un drette Trööte net. Bloß de Mama säht: „Wat ess dat füür en komische Trööterei?“ Ich well mich jrad nävven de Tant Draudche setze, die och setz un et Koochebläch om Schuuß hätt un jrad ahnfange well, dä Kooche ze schnegge, doh ruusch et un sauch et, äs wenn eene jewaltich Luft däht holle, et waggelt me ongerem Hengesch, alles en ene haleve Sekund, dann jeht et: pfomm – pfomm – pfommpfomm – pfommpfomm – pfomm, dat et me en de Uhre brommb, esu laut ess dat. Ich sprenge op, schreien drei-, vier-, fönnemohl: „Hilfe! Hilfeeheh!“, sehn hengerem Pollevezong blauwieße Qualem, loofen, esu siehr, wie ich kann, dä Hubbel erav, kriejen, och vüür Angs, bahl kenn Luff mieh. Wie ich stonn blieve, ess de Tant Draudche att nävven me, mem Koochebläch, de Mama kütt iehlich och ahn, et Jriet om Ärrem, wieß öm de Naas. Se hätt, wie de Tant

Draudche, alles andere lieje jelosse. Et Maria kütt jetz och, ävve ohne ze loofe. Un doh stomme, wie bedröppde Höhne. Hätt dat janze Spell en Menutt jeduurt?

Ich zedderen vüür Angs am janze Lief, noch mieh, wie et wedde trööt, dissmohl nur eemohl un lang. Me waaden zwei, drei Menutte, ohne e Woort ze saage, ävve et bomms net mieh, et ess stell, unheimlich stell.

Dann säht et Maria: „Un wat maache me jetz?“

Ich saagen teräck: „Ich well heem. Ich hann Angs!“ Uss Jriet quääk un well vom Ärrem erav. Wat passiert ess, hätt dat jar net metkrääch.

De Tant Draudche luurt de Mama ahn, de Mama de Tant Draudche, un die säht: „Nä! Noch ess dä Kooche schleefe, dat donn ich net!“

„Dann loss me ävve alles herholle, do ovven wöör et me och ze unjemütlich.“

De Mama setz et Jriet nävven mich, lääch em flöck e paar Dännemöpsje vüür de Beenche, de Tant un sie, jlich drop och et Maria, jonn vüürsichtig, äs wenn se jede Oogenbleckl wedde stifte jonn wöhlen, op dä Hüjel ahn, wo Decke, Kabass un Waffele noch lieje ode stonn. Et Maria ess esu jar et iersch doh. Et luurt op de Zong ahn, wo dat Knalle herkohm un dä Qualem huhjink, un röf: „Doh ess jar nix mieh!“, un setz sich wedde op die Deck un well sich ene Zitsch usschödde. Ävve et moß och met eravjonn. Ich?

Ich zedderen emme noch vüür Angs un blieden beim Jriet stonn, zwanzich Mete vom Wääch nohm Telejraf fott. Un mööch heem. Ävve ich moß blieve un maach kohm Kooche, jonn net mieh an die Baach, un wenn et Maria noch esu bäddelt un mich esu jar ene Feichling nennt, un benn fruh, wie me endlich heemjonn.

Och deheem hutschen ich en ene Eck eröm, esse bahl nix, träcke me em Bett de Deck övve de Kopp, em heebe Juli, kann lang net ennschloofe un werden öf wach, eemohl, wie ich laut am schreie benn: „Hilfe!“

Un de Mama kütt un säht: „Jung, wat ess dann eemohl loss? Et ess doch alles wedde jood!“

Eben net! Et ess nie mieh janz jood jewuurde, och wenn de Ohm Jerred e paar Daach späade vezällen däht, wat doh esu jeknallt hatt, nämlich: doh

wuurten emme uss de Produksijon von Sprengkapsle für Berrechwereke un Steenbröch eenzelne ussprobiert. En enem jruuße Loch, net allzeweg vom Zong. Un vüür de Zündung un donoh, wie em Steenbroch, jetüüt.

Schön un jood, och, dat de Ohm Jerred un de Papa un de Jroßvatte späädde met me an die Stell am Zong jinken, ich dem Papa seng Hand haale doref, wie et tüüt un bess die Knallerei vebei woort. Ävve alleen doh lansjonn? Nä,

bess lang nohm Kreech net. Esu jar hüek jonn ich leeve ne ande Wääch. Dobei donn se doh jar net mieh knalle. Hüek dähnt me seche saage: „Dä hätt ene Schock jehatt!“  
Hilfe!

WILHELM NEUSSER

## FOOSSLAPPE

„Saht, Frau“, – met scharfem „ß“ jesproche – säht de Pette, „ech wohl me e Paar Arbeitsschohn jelde. Jrööße zweiunvierzich une hallev.“

Et hüürt sich wie op halev Hochdeutsch ahn, esu akkerat deht de Pette spreche.

Dat Fräuche frooch noh de Färrev, ävve de Pette „well kenn Färef, to kütt Schmeerr trop“.

Jlich dropp kütt dat Fräuche met drei Schohnkeste, maht se op un stellt se vüür de Pette hin.

Uss eene mimpe eene Schohn eruss, beluurt en von ovven bes ongen, deht en e paarmol beeje, dröck op et Ziehestöck, föhlt dren un säht: „Tie senn joot! Tie nämmen ech met!“

Hä pack sich die Kess teräck onge de Ärem. „Joh, wellde dann net ens iersch ahnprobiere?“ frööch die Frau. „Un ich well se doch och noch jet enpacke.“

„Tat konnte spare. – Un tie Schohn Benn rääch. – Wat hann ech ze pezahlen? Wat Ball et Benn?“

„Zwölf Marek vierzich“, liss die Frau vom Kartong av.

„Hau“, säht de Pette, „tat eß äffe tüür! Et letztemohl hann ße äffe ploß elef Marek Bächbich jekoß! Ech hann tie Keß noch!“

Dat woort vüür sebbe Jahr. De Pette jehnt sparsam un örndlich met senge Saache öm.

Et notz em nix, hä moß zwölf Marek vierzich bezahle. Un knoorz: „Toh kann ech joh om Heemwääch für meng Anna kenn Pruut mieh vom Päckle Mölle metpränge füür aach Jrosche!“

Dann jehnte, et Kessje ongerem Ärem.

De andere Morje esse wedde doh.



„Baht, Frau“, fänke ahn, „ech moß tie Schohn wette ömtusche, ße Benn an de Ziehe ze kuurt, wiewahl ech te Fooßlappe treimohl neu ahn hann jettonn un se te janze Nommetaach em Jaaden beim Meßspreeten ahn hann jehatt.“

„Joh“, säht dat Fräuche, „dann kann ich se suwiesu net ömtusche, wenne se esu lang ahn hatt jehatt.“

„Ja“, sähte de Pette, „tat well ech äffe wahl net jlööv, tatte tat net konnt, wo tie Fooßlappe janze neu Benn un meng Anna me extra te Fooßnääjel hätte jeschnege!“

„Loht mich iersch ens sehn, velleech konne me se övve Naach övveren jröbere Lies kloppe“, säht dat Fräuche.

De Pette setz sich, trick de Botzebeen huh un knöddelt de Schohnsrehme op.

Wereklich, hä hätt fein, neu Fooßlappe ahn, un die senn esu fein jefahlt, dat se

beim Schohnussträcke an de Fööß blieve. Dat Fräuche nimmp ene Schohn, jehnt met eene Hand dren föhle, säht: „Wat ess dat dann?“, un trick ene Knubbel Papier uss de Schohnspetz. „Ja, hadde dann net jemerek, dat en neu Schohspetze emme e Papier dren ess füür se opzestoppe? – Dat domme jetz eraus, un dann werden die Schohn passe.“

Wie se die zwei Knubbele Papier en en Kess schmieß, säht de Pette: „Tat hatt ech äffe metjeolde! – Tann kriegen ech äffe zwei Jrosche wedde!“

Kritte net!

„Äffe tie Schohn Booßen wie ahnjemeiße, un tie mossen och wedde ßebbe Jahr haale, un mieh wie zwölf Marek vierzich pezahlen ech net, un wenn ech noh ßieporech moß loofen!“

Hä hätt se kenn sebbe Jahr mieh jedraage. Hä looch att vüürher em Hämp ohne Täsche en de Laad.

WILHELM NEUSSER

## KOOBES, DU DÖPPE

De Koobes, fönnfunuffzich un von Mengde deheem, ess ene brave Keerl un fließlich. Wat de dän donn löß, ess

jedonn. Wat dä säht, doh kanns de dich drop velooße.

Du darevs em bloß net zweielei op eemohl saage. Dann kütte an et Schweeßde. Och mem Schrieve hätte ret net, un net mem öm de Eck eröm denke.

De mierschde Arbeedskolleje meene, hä wöör ene joodde Drööbes, met däm me de Doll kann maache, wemme et net övvedriev, datte jeck widd.

Eenunvierzich Jahr esse att beim Mannstaedt, de mierschde Zegg em Fassongwalzwerek, de letzte Johre en de Vejüterei. Doh darfe och de Jasma schin ahn- un usstelle. De mierschde Zegg mosse ävve schwer Bandieserolle en Körrev hävve un die en de Vejüteovve däue. Wenn die noh ene Stönd am ande Äng wedder erauskomme, hivve se wedde druss uss dä Körrev, deht e Stöck vom Äng von dä Roll avschnegge, met Kregg en Numme dropschrieve un am Äng von de Schich beim Meeste en et Börro bränge.

Su en Roll weech en fönnfundsebenzich, achzich Kilo. Deren hondetzwanzich de Schich andethaleve Mete huh jehovve un wedde erav, dann weeß de, wat de jedonn häss. 1948, wie et noch net für alles ze hävve en Maschin joov.

„Dä Koobes ess menge leevsde Mann“, säht de Meeste, de Jeuse Hein, ävve hä laach och öff heemlich, wenn ess wedde eene mem Koobes de Aap hätte jemaht.

Dä fällt ävve och bahl op jede Dollheet erenn. Un laach donoh seleve met, dat et eenem männehmohl teräck scheinlich ess.

Nu ess, net wegg vür Ostere, esu jar däm Koobes opjefalle, dat e paarmohl, wenne von drussen en de Hall kohm, seng Kolleje jrad de Köpp zesammejestoche hatten, am pischpere wooren un wie veschreckte Höhne fottleefen, wenn se enn soochen.

Un hä hatt e paar Brocke opjeschnapp.

Des Morjens, noh de Kaffepaus, kütt de Vürarbeede un säht: „Koobes, se hann jrad von de Werekstoffprüfstell ahnjeroofe. Du moß ens vier Ring“ – bahl sechs Zentnere – „dohinbränge. – Doh steht en Schubkaar.“ – E janz ahl, quietschich Hönkche.


„Ess jood“, säht de Koobes un löht sich vom Beertes un vom Edi noch helefe die Ring oplade.

Dann schörreche dä haleve Kilometre noh de Prüfstell. De janze Schich

laach hengerem her. Esu jar de Keutmann, de Betriebsleite.

Wie e jood fott ess, widd noh de Prüfstell ahnjeroofe, die maachen, wie de Koobes kütt, e erns un wichtich Jeseech, messen un woogen, kratzen un fielen eröm. Noh ener halev Stönd doref de Koobes wedde jonn. Met dä sechs Ring. Op dä Schörreskaar.

Die Kolleje en de Hall haalen sich, wie e wedde doh ess, an eenem Stöck en Hand vür de Muhl ode de Buch, de Meste löht sich jar net sehe.



Jozeggs platz eene, de Hannes, eruss un japp: „Mann, Koobes, häss de dann

WILHELM NEUSSER

## WALHALLA

Met Frembwöörd kamme fies Pech hann, ode met Wöörd, die me net kennt. Dat weßde, ne?

Wenn ene kleene Quass en de Scholl et ierschdemohl jet von Christoph Kolumbus jehüürt hätt un deheem en et Häff schriev: „Christof Klumpfuß“, doh kamme drövve laache, ohne dat dä Quass sich scheniere moß.

Schlemme ess et att, eijentlich janz schlemm, wenn et heesch „wegen Inpraktikabilität abgelehnt“ statt ze saage „kamme net bruche“.

Doh drövve stonn noch die, die Wöört bruche, also och Frembwöört, die sich jeliert un vüürnehm ahnhüere, ohne ze wesse, wat se bedögge. Domet saagen ich nix jäjen eene, dä net all fremme un neue Wöört kennt. Ävve

net jemerek, dat hück de ierschde Aprell ess? Dat dat Quatsch woor met dä Prüfstell? – „Ja un?“ fröoch de Koobes. „Dat soll mir doch ejal senn!“

Doh schnöcks de Hannes de Scholde un jeht.

Wie de Schich em Zwei am Äng ess, sätz sich de Koobes op et Rad un laach övveret janze Jeseech, wiere heemfihrt. Die andere schöddelen de Kopp hengerem her. –

Nä, dat wöör ke schön Vezällche, wenn et heh am Äng wöör.

Ävve dat Äng jeht esu: wie de Keutmann, de Meeste, de Vürarbeede un die vier Mann von de Schich heemkomme, ess bei alle sebbe de Noßbohm mem Rollfuhrwaage von de Bahn jeweers, hätt, fein en Papier enjeweckelt un met Droht dröm, e Etikettche met de Adress drahn un met Rollpapiere dobei en Bandieseroll avvje-laade un sibzehn Marek fuffzich kasiiert, weil die Roll unfrei jescheck woor. Sechs Mann kräächen se jeschannt.

Bloß ich net. Weil de Motte net deheem woor. Die frooch mich des Oovens: „Häss du se noch all? Wat wells de met däm Schrott?“

Koobes, du vedammtes Oos!

Bes de me noch kott?

wenn dere eent bruchs, bloß weil de jet vüürnehme ode jelierte saage wells wie de jewännt bess ode kanns, dann schaad et de nix, wenn de dich blamiere un ussjelaach wiers.

Un unveschämp ess et, meenen ich, wenn hückzedaach emme mieh Frembwöörd jebruch werde, für die me joodde un jenaue deutsche Wöörd hann, bloß weil se modern senn.

Mier kütt kenne Roofer op et Daach un kenne Hair-Styler an de Kopp, ich werden och net innovativ tätich, wenn ich meret Jehöösch wieße looße. Ic h senn für et Bessemaache, net für et Optimiere. Du leeve Jott! Wo hann ich mich hinveloofe! Ich wohl doch von Walhalla vezälle. Dat ess doch jar kee Fremwoort. Bloß, me moß et kenne, wemeret bruche well.

Un dat well eene, 1939, jrad, wie de Kreech ze Jang ess. Doh well eene ne stramme Nazi senn, der net mieh Zal-dat ze werde bruch, un der, der et Rädde donn möht für de Partei, ess fott, ene Ortsruppenleite ode esu jet.

Et ess nämlich ene „alte Parteijenosse“ jestorve un moß met Fahne un brongem Spell bejraave werde. Et moß joh alles jermanisch un arisch un heldenhaff senn.

Ich dhät joh och jern saage, dat et ze Sieborrech ess jewers, ävve dann senn me die velleech falsch.

Op jede Fall mösse me von de Scholl uss met nohm Kerrechhoff jonn. Ess uss rääch, me hann dä Mann net jekannt, un besse wie Mathe un Latein ess et op alle Fälle. Uss Lehrere senn anderer Meinung. Ode donn se bloß esu?

Öm et Jraav ess alles schwazz un brong voll Mensche. Vom Sarrech un vom Jraav könne me nix sehn. Ävve de Karlche kritt ere e paar henge de Uhre, wie e ene Dreckknubbel ophivv un esu deht, äs wenne dän op et Jraav ahn schmieße wöhl.

Vom Erzähler Josef Mimzeck autorisierte Fassung:

WILHELM NEUSSER

## VERTRAUEN ESS JOOD, . . .

Eene von dä fönnef letzte Pastüürsch von Hipolletes vürrem Kenntemich voor ene strenge Heer. Jäjén de Jläubijén. Hä seleve voor jood em Foode. Vezohl de Jroß.

Hä kömmet sich och öm vell Saache, von dänne hä meent, dat sich die, die et ahnjink, net jenoch dhäthen bekömmere. Ode net, wie hä et jern jesehn hätt.

Ov et domet besse wuurd, weeß ich net. Ävve de Jroß säht och, hä hätt met vell Löck Knies jehatt, brave un jood katholische.

Nu hatt et Dörrep duh noch ene Nahkswächte, lang vürrem Jüpp, dem letzte. Och von däm woß de Jroß jet: „Dä leef de Arbeet esu siehr noh, datte se se Lääbe net enn dhät krije.“

Für senge Poste krääche von de Jemeen: ene Kammesohl un ene lange

De Pastuur – ov ene evangelische ode ene katholische, weeß ich net mieh – kann von uss och kenne vestonn. Ävve dann widd ahndächtich jetrööt, wie et sich fүүr ene Held jehүүrt. Un dann kütt de Parteibövveschde, weil de Alleböveschde net doh ess, an et Jraav un hätt en zackije



Ahnsprooch, un laut un zemmlich lang, un dann rööfe, nä, bröllte am Schluß: „Und nun, toter Kamerad, geh ein in die Walachei!“

Zwei, drei, vier Sekonde ess et dudestell.

Mir kennen dä jermanische Jötter- un Heldenhimmel, wessen ävve och, wo op de Landkaat de Walachei ze söhke ess.

Dann kichet eene, ene andere klucks, zwei, drei platzen uss. Noh ene haleve Mennutt bröllt alles öm uss eröm vүүr Laache. Die met dä Nazifahne loofen, su siehr, wie se könne, nohm Ausjang. De andere Morje noch kann en de Scholl kee Mensch eerns blieve.

Schaad, dat et zoh der Zegg kenn Fasteloovendssitzunge joov. Ode wöör der, der et en de Bütt jebraht hätt, noh Dachau jekomme?

Ov me ens jewahr werde, ov de Wotan un de Freia ene ruude Kopp hann krääch ode jelaach hann? Ode de Thor mem Hamme dren hätt jekuuß?

Die jitt et net?

Dat ess ävve schaad!

Mantel alle vier Johr, en Kapp, ene Spieß, en Lateern un e par Mete Wachsstöck et Johr, un de Trööt, die e jede Naach stondewies bloose moht, wenne de volle Stonde metkrääch un net at seleve voll voor. Un siehrnöhks hätt ich et vejesse: hä krääch joh och vierzich Daale et Johr.

Für dat all mohte zweimohl de Naach em janze Dörrep rondjonn un an fönnef Plaaze esu jar viermohl kontrolliere, dat heesch, drömerömjonn un luure, ov de Poorze noch zohwooren: am Spritzehүүsje, an de Scholl, bei de Jemeen, bei Barongs un an Kerrech un Pasterat.

De Jroß säht: „Wenn der ess ee eenzichmohl esu vell ess jeloofe, wiere hätt donn mosse, well ich ze Fooß en de Höll loofe un dem Düvel e Hoor uss dem Stätz rieße!“

Un genau esu jet hatt de Pastuur en de

Nas, un dat konnte joh net dorechjonn looße.

Hä hatt derwäjén die bei de Jemeen att öff ahnjedaut, sujar att jeschrevve. Ävve jedonn hatt sich nix, velleech, weil se daachden: et ess joh Rauh em Dörrep, och ohne, dat de Nahkswächte zevell erömlöof, jet Radau op Kermes moß senn, wat solle me de Peerd scheu maache!

Ov de Pastuur jet von Peerd vestonnt, weeß ich net. Ävve henge dem Nahkswächte woore her, an männechem Oovend schlappe erem esu jar noh. Un voor seche, dat dä net noh de Vүүrschreff leef, ze öff un ze lang en de Wietschafte sooß ode stonnt, bloß, bewiese konnte un konnte nix.

Bes et em ze doll voor.

Eenes jooden Oovends dhäthe sich ene lange schwazze Faddem avvwecke,le,

jink domet, wieret att stehendüste woor, henge de Kerech, wo zweschen Jrondstöckszong un Kerchemuur net mieh wie drei Schrett Plaaz woor, däht dä Faddem hallevmannshuh quer övve dat Päddeche spanne un daach: su, jetz lööf me der Keerl en et Netz, nä, en de Faddem, weile net en de Fad-dem lööf.

De ande Morje jink de Pastuur, der de Naach endlich ess wedde rühich jeschloofe hatt, vür de Fröhmess rond, un süch: dä Faddem woor noch doh, ganz un esu, wie en de Pastuur jespant hatt!

Hä woor esu opjerääch, datte de Nahkswächte endlich beim Schlafittche hatt, datte de Mess flöcke däht wie söss, esu flöck, dat et de Löck opfeel, deheem att beim Fröhstöck ahn fing ze schrieve un met senge Ahnzeich att bei de Jemeen woor, wie die noch net jefröhstöck hatten.

Die dähten dat lässe, eene daut et dem andere dar, eene moht domet noh de Pollezei jonn, die wollten et net. Dann kohm et noh Sieborrech, weil Droosdoref noch net selbständich woor, von doh kohm et wedde öm met däm Vemerek: Inkulpat ist zur Sache zu vernehmen.

Jott sei Dank! Wie se de Pastuur frooge dähten, woß der wennichstens, wat ene Inkulpat ess, un säht och terräck: „Doh well ich bei senn!“

Au weih, nä, der sprooch joh Hochdeutsch!

Der Wilhelm Quad, Scheffe, kohm och kohm zo Woort, su woor de Pastuur von Ahnfang ahn en Fahrt.

„Haben Sie am Abend des Soundsovielten Ihre Runden vorschrittmäßig gemacht?“ frooche.

Vürsichtich däht de Nahkswächte zeröckfrooge: „Wat woor dat vür ene Daach, Herr Pastuur? Woor dat op Drautche?“

„Jawohl!“ säht der, „Und geben Sie zu, daß Sie in der Nacht nicht ein einzigmal um die Kirche gegangen sind?“

„Nä, Herr Pastuur! Wie köhm ich dozoh! Ich donn doch menge Deens maache, wie et sich jehüürt! Dat senn ich de Jemeen schöldich!“

„So, meine Herren“, säht de Pastuur, „jetzt haben Sie den Beweis für die Pflichtvergessenheit des von der Gemeinde angestellten und bezahlten Nachtwächters! – Ich hatte nämlich bei

Beginn der Dunkelheit hinter der Kirche einen Faden gespannt. Den hätte er bei pflichtgemäßem Rundgang um die Kirche zerreißen müssen!“

„Och“, säht de Dreckes un maht e Jeseech, esu unschöldich, äss wenne sengem Liss vezällen däht, hä hätt bloß ee eenzich Bier jedronke, „och, Herr Pastuur, woort Ühr dat, der dä Faddem jespant hatt? – Ich hann enn jesehn un jedaach: wer spannt dann heh enne Faddem hin? Ess e Fraumensch henge sengem Keerl her, weil et meent, dä trööf sich henge de Kerech met ene Freundin? – Et bess, du mahs nix drahn! – Un doh senn ich dronge her jerötsch. – Beim viertemol hann ich me meng jood Botz op dä fööchte Eerd an de Kneen drekelich jemaht. Un woor met de Schnuut von de Trööt an dä Faddem komme, su dat ich Angs hatt, ich hätt en avjeresse. – Hellich un seche!“


De Pette, dä et Prottekoll schrieve moht, platz vür Laache uss. De Pastuur krääch ene ruude Kopp, wie e merek, datte dem Dreckes de Ussrädd seleve en de Muhl hatt jejovve, un de Quadts Wellem säht: „Et bess, me donn dat Vefahren stellschwiejend ennstelle!“

En fönnef Menutte wooren se am Dengen eraus. Ävve des Oovens woß et et haleve Dörrep.

Wie öff wuurte jefrooch: „Herr Pastor, was für einen Faddem haben Sie denn jennommen?“

Alle Ogenblecks hinken lange ode kuurte Fäddem an senge Dürklinke, esu jar vürrem Bichstohl.

Ov dat all woor ess? Wäjem Pastuur? – Froocht de Mimzecks Jupp! Von däm hann ich et. Un der hätt et noch emme jesaht, wenn jelooge hätt! – Velleech hätteret esu jar schrefflich!



WILHELM NEUSSER

## POESIE EM DÖRREP

De Knauche Hein widd ze Rääch esu jenannt. Von dänne em Dörrep, die dä Name noch uss könne spreche un wesse, watte heesch. lerschdens stehete dovüür, dat de Hein jood ene Mete

fönnefunachzich jruuß ess, e Kreuz wie e Kleedeschaav hätt un Häng – dat senn Knauche –, met dänne enem Oorß et Jenick könnt bräche. Seng Arbeet em Hoff vestehte, kann met

Peerd esu jood ömjonn wie met Küche, die jrad uss de Schaal senn jekrovve, ävve en Tass darefs derem net de Fengere jävve, söss mäht et „knätsch“, un hä hätt bloß noch Scher-vele zeschen de Fengere.

Wenne well, tricke en Schlaachkaar, halev voll Eerpel, alleen von de Strooß en de Hoff eren, dovüür bruche net ennzespanne. Un ene Zweizentne-Mällsack packe sich vüür de Buch un övve de Scholde un schleev en de Leede erop wie nix, doh bruche kohm bei ze schnüüve.

Un drettens hätte, wenn övvehaup, en Siel, die seche och uss Knauche besteht. Saagen de Löck. Du mereks em net ahn, ov jet heeß ess ode kalt, jrovv ode fing, Spaß mäht ode Leed bränk. Hä süht net, dat seng Kätt, wat em att vier staatse Pänz hätt jebore, sich vüür Peng net mieh oprääch kann haale, un koldet eröm, weil et Mettaachässe net Schlaach zwölef om Desch steht un de Mellechkanne net jespölt senn. Hä frööch net, wie et Kätt nix esse deht, sich beim Opstonn an de Deschkant fess moß haale. Iersch, wie et langsam en de Knee jeht, ene haade Kühm deht un de Längelang op et Jebönn kipp, däute sich de Hoot von de Stiern en de Nacke, jeht, esu flöck, wie en noch kee Mensch jonn hätt jesehn, en de Schopp, schnapp sich et Radd, jöck nohm Dr. Schoenen un ess noch vüür däm, dä em Auto kütt, wedde deheem, hivv se Kätt op un lääch et op et Kannepeh.

De Dr. Schoenen bruch kenn zwei Mennutte, vüür sich et Kätt ze besehn, wat de Ooge vedriecht un kenn Antwort jitt. Dann jaache mem Auto

nohm Spidohl, dat de Steen spritze, ess en zehn Menutte mem Kranke-waage wedde doh un hätt noch ens zehn Menutte späade et Kätt att onge-rem Mätz.

„Dorechjebrochene Blinddarem“ heesch et, un et Kätt litt vier Woche op Duud un Lävve doh, un de Dr. Schoenen luurt esu jood zehnmohl wie eemohl de Daach noh em.

De Hein kritt joh och net ens jeden Daach Zegg vüür eemohl noh em ze luure. Et ess noch Heu drussen, un de Jeersch ess rief un de Knolle mössen noch ess nohjehack werde, un dann kütt et Kohn drahn, janz ze schwieje vom Veeh un de Weechte.

De Jrooß deht, wat se kann, ävve wat kann die noch, met zweiunsebben-zich?

De Hein fällt oovens mieh en et Bett wiere jeht.

Noh sebbe Woche ess et Kätt wedde deheem, blaß un maage wie en Latz, un de Hein ess ze bang et ahnzepake. Me bruch sich net ze wondere, dat dem Kätt de Träne komme, weil et meent, dem Hein lööch jar nix an em. Et ess esu stell un jedröck, och met de Köngde, dat dat esu jar dem Hein, dem „Knauche Hein“, opfällt.

Des Oovens, wie e vom Meleke de Jass erav kütt, zwei schwere Melechkanne am Rad hange, bliehte ene Oogenbleck vürem Jüpp sengem Huus, ode besse vürem Bloomejaade am Jüpp sengem Huus stonn, en däm alles blöht, wat blöhe kann un wat däm Jupp seng Stina an Bloome op kann drieve. Dem Hein fällt op, dat de Stock-

ruuse bes an de Daachkall recke, un de Sonn en all dat Bloomespell schenk, un „nä, wat süht dat schüün uus!“, denke, un stellt die Kanne en de Mellechköch, röof en de Stovv: „Kätt, ich senn noch ens jrad fott!“, un fiehrt – nohm Kurths Will.

Dä jruuße Struuß Jladijole, dänne von däm köof, stellte en e ierde Döppe, en däm söss Rohm en de Kelle widd jedonn, un sätz et dann en de Stovv op de Desch un säht: „Deht et noch ärrech wieh, Kätt?“ Un luurt em en dat schmale Jeseeh un en de Ooge, en dänne Träne huhkomme, wösch em met enem Fenge een, die de Back erav well loofe, esu hörsch fott, dat et Kätt net mieh spüürt, äss wenn me met enem Fäddeche drövvve wöör jestreche, un säht: „Wat ich de wieh hann jedonn, maachen ich de wedde jood.“

Et Kätt nohm dem Hein seng Hand un heilt se an seng Back un vüür de Muhl, un esu sooßen un stonnten se en lang Zegg.

Jladiole hatt et Kätt fröhte net ärrech legge könne. Noh vier Woche wooren et die Bloome, die et et leevs hatt.

Jede Woch, esu lang et ere joov, kohm de Hein met enem Struuß ahn, un wenn et ere kenn joov, hollte andere Bloome, och noch op et Jraav, nohdäm et Kätt, zemlich fröh, met kohm fönnefunsechsig, jestorve woor. Janz jood woor et nie wedde jewuurde. Un de Hein hätt et bahl aach Jahr schrecklich vermess.

Jetzt liejen se zesamme en eene Kuhl, un ihr Pänz donn öf Bloome op et Jraav. Dem Kätt un dem Knauche Hein, nä dem Jladiole Hein.

WILHELM NEUSSER

## NOTHELEFE NUMERE FUFFZEHN

Fröhe joov et ze Droosdoref vell ärme Löck. Mieh wie Löck, die jet ahn de Fööß hatten.

Dat hann Pänz seche net esu öf jeme-rek wie ihr Ahle, wenn et net jraad saukalt woor em Jehöösch un se schwazze Honge legge mohten.

Wer kenne Kooche un ke Jeschnupps kennt, hält satt Bruut met Kröckche un Klatschkies für jet Joodes, ene Herring für en Telekatess un en Pann Broder-

pel für jet Besseres wie wat de Kaise von Schina hätt, wenne net nohm Ab-bee kann jonn.

Ärem senn woor für Pänz em Ovvedö-rep mierzdens nix für jruuß drövvve nohzedenke.

Mieh Koppeng maht et dänne Pänz, wenn et, wie esu öf, wie mierschdens, kohm ens Schnieh joov ode wenn dä en en een, zwei Daach wedde Matsch woor.

Nu looch, kuurt noh Dreikönnije, ävve doch ens jood handhuh Schnieh. Me konnt de Krausstrooß erav schliddere, att drei Daach, och wennet jeden Daach Krach joov mem Schötthoot, un hück morje woor et esu jar saukalt jeweeers, seche en fuffzehn Jraad. De janzen Daach wooren de lesbloome net von de Fensteschieve jejange.

Un em Schopp liejen bloß noch e par Knävelche Holz un net mieh wie en

zwanzich Priketts. Dat lank net övve Sonndaach.

De Karli kratz sich henge de Uhre, wiere sich dat kleen Hööfje besüht un drahn denk, dat de Papp jaad en Lungenentzündung övvestande hätt un noch kohm ussem Bett kann un et Jreetche, et Lisbett un de kleen Köbesje noch ze jong senn für ze helefe.

em Bösch de Wind net mieh jaad esu bieß. De Karli deht sich düchtich zaue, ierschdens für wärem ze weerde, zwättens für feerdich ze weerde, weil de Sonn att henge de Ravensberech fott ess un et seche bahl düüste widd.

Un et ess att stehendüüste, wie e senge Schlidde huhvoll äremdecke, metelange Knävvele jestevvelt hätt un alles jood fassjebonge.

Wat ess dat henge de Berekhüüsesch Weed für ene schwazze Klotz em Schnieh? Dä woor doch ävvens net doh? Un esu noh am Wääch steht doch och kee Jestrüpps?

De Karli pack se Schliddeseel un trick wegge op heem ahn. Net ens, wie e bloß noch e paar Schrett von däm schwazze Klotz fott ess, kanne sich e Beld maache, wat dat ess.



Avve wofür hätt em de Pattühm de Herrevs eijentlich ene staatse Schlidde jemaht, op däm me fönnef Säck Erpel fottahn könnt schleefe?

De Karli säht dem Jreetche: „Wenn de Mama heemkütt, sähs de, ich wöör nohm Bösch, ene Schlidde voll Dänneknävvelche holle. – Un paß op de Köbes op!“

De Karli hollt sich em Schopp et Beilche un e Seel, deht sich de wärme Kammesohl un de Uhrekapp ahn, strööf de Fuußhandschöhn övve, luurt noch ess, ovv et Seelche am Schlidde noch jood jenoch ess un stevvelt op et Kraadepöölche ahn un dolans de Sonneberech erop bess bahl an de Heembaachquell.

Zapperlot, wat ess dat kalt! Sujar, wo

Bloß, wat ess dat für en suure Möh, dä Schlidde uss dem Bösch, wo dä Schnieh joh em Jestrüpp loss litt, erusszeträcke op et Pädde. Un och doh lööf de Schweeß, wenn et övve Hubbele un Wurzele jeht. En zwei-, dreimohl hätte och noch siehrnöhks ömjeschmesse. Un dann hätte alles avv- un wedde oplaade mösse. Jott sei dank, de Moond schenk jet, un doh jeht et de Berech erav un op de Strooß!

Wie e joozeggs am Bösch eraus ess, mosse ävve doch ens jet räste. Hä setz sich op en Stang am Ennjang von de Weed, wo de Somme de Duur emme seng Peerd drophätt, terek nävven Kraadepöölche.

Wievell Uhr maach et senn? Seche att bahl sebbe.

Un dann witte doch duudveschreck, wie e merek, dat dat e Mensch, ene Mannskeerl ess.

„Dä widd doch net duud senn?“ denke. „Soll ich lans jonn?“ Hä luurt sich öm: kee Mensch ze sehn, su wegg wie om Schnieh et Moondleech regg. „Moß ich dat eenem saage? De Pollezei, dat heesch, dem Hoffs Hännes?“ Wie e en kuurte Wiel steht un övveläch, mereke wedde, wie kalt dad et ess. Un bei däm kloore Himmel de Naach seche noch vell kälde widd.

„Wenn dä Mann noch net duud ess, witte sich seche bahl ze Duud vekahle“, denk de Karli.

Hä löht et Seelche falle un jeht die zwei Schritt nävven dä Wääch bei dä Mann un beluurt en sich jet nöhte. Nä, kenne



dehteren net. Dä ess seche net ussem Döreep. Avve lävve dehte noch, weile jetz ess deep schnüüv. Doh merek de Karli och, woröm dä doh litt: dä hätt en Fahn noh Schabbau un ess stiefvoll jesoffe!

„Heh kann dä doch seche net lieje blieve“, denk de Karli, „ovv ich dän op dat Holz zortiert krieje? Ode widd dann de ganze Schlidde ze schweer?“

Hä pack dä Keerl onge de Ärme für en opzesetze, ävve dä hänk doh wie ene naaße Sack, met däm ess nix ahnzefange.

Wat dä att blau vekahlte Häng hätt! – „Wenn ich jetz iersch heemjonn, wat met däm Schlidde voll doch seche noch en vierdel Stonnd duurt, dann Höllep söhke, widd et seche mieh wie en haleve Stonnd, bes me wedde bei em senn. – Un dann mosse och noch iersch en et Wäreme. – Nä, dat ess nix.“

Et ess en ärje Peng, wat dem Karli noch dorech de Kopp jeht: dat schön Hölzje avvlaade, dä Keerl op de Schlidde benge – wat hätt dä ene feinen Ahnzoch ahn! – Un ene decke jölde Ring an dä Hand, von dä he de Heische velorre hätt! Un ene Palloto met enem Pelzkraach drop! – hoffentlich kütt kenne mieh heh lans un kläut me me Hölzje!

Wo de Wääch jlatt un de Schnieh fessjefahre ess, lööf de Karli bahl met däm Schlidde, su ielich hätteret, met däm Keerl nohm Spidohl ze komme. Dat Nönnsche an de Düür luurt iersch janz zeweersch, wie dä Karli jeschellt hätt, un well net jlöove, watte vezällt. Dann jeht et ävve doch ess met luure. Wie et däm Keerl seng Hand föhlt, widd et veschreck, lööf en et Spidohl erenn un kütt en zwei Menuette mem Martin un noch enem Mann Höllep wedde öm. De Karli hätt dä Keerl att lossjebonge, hä widd erennjeschleev, un wie die Düür vom Spidohl zohschleht, mäht de Karli, datte fottkütt, se Hölzje holle.

Denkt ess, watt en Möh, alles wedde oplaade! Et schleet vierdel op aach, wie e joozeggs deheem ess.

De Motte knoorz jet, ess ävve zefredde, wie se dä huhe Hoof fein Hölzje süht, dän de Karli heem hätt jebraht. Se fröoch nix, un de Karli säht nix un ess fruh, wie e en Pann Erpel un en Tass Malzkaffe met Mellech, Jeeßemellech, om Desch hätt.

Un en wärem Stovv övve Sonndaach.

Et Moondaachs setze wie emme en de

Schollbank em sebbete Scholljohr, ich jlööv beim Lehre Eich, un waad, dat de Scholl uss ess für schliddere ze fahre, et hätt de letzte Naach noch mieh jeschneit, doh jeht op eemohl de Düür op, de Rektor Körper kütt erenn un hengerem de Hoffs Hännnes, en Uniform.

De Lehre Eich klemmp de Brell für de Ooge un luurt janz bessich, weile meent, eene von dä Saupänz hätt att wedde jet ussjefresse.

De Rektor hivv de Fenge un fröoch: „Wer von euch war am Freitag abend mit einem Schlitten am Krankenhaus?“

„Wat ess dat dann für ene Quatsch?“ denken de mierschde Pänz, „daasch me net ess mieh mem Schlidde em Döreep erömloufe?“

Bloß de Karli widd duudveschreck un avvweerßelnd ruut un wieß em Jessech. De Rektor moß noch ens frooge, moß esu jar op de Karli zohjonn un mem Fenge op en zeeje, besse stottert: „Ija, ... ich, ija, ich ...“

Die andere Pänz stuußen sich ahn un tuschelen, wie de Karli met moß jonn, esu jar met de Schollsaache. „Paß op!“ heeschet, „Dä kütt bestimp en de bläche Botz.“ Wiewahl eejentlich keene rääch weeß, wat de Karli dann jedonn söhl hann. Dä hätt doch noch nie jet jruuv vekiehr jemaht, un se Vatte och net.

Drussen kloppen em de Rektor un de Hoffs Hännnes op de Scholdere, ävve jar net, wie wenn serem kott wören.

De Hännnes nimmp en met op de Wach

un vezillt ongewäächs allehand met em, un dann mosse op de Wach janz genau vezälle, wie dat am vejangene Friedaach ess jeweers met däm Keerl am Kraadepöölche em Schnieh.

E dausend Jlöck: für dat alles en et Prottekoll ze schrieve ess ene andere Pollzei doh. Ich hätt Angs, beim Hännnes wöör et söss Oovend drövve wuurde.

Wie de Karli am Äng fröoch: „Wat sall dä ganze Brassel? Ich hann doch nix jedonn?“, laache die Polleziste. Kuurt drop kütt de Börjemeeste Klev seleve erenn, jitt dem Karli de Hand un säht: „Das hast du gut gemacht!“

Mieh widd me net jewahr, em ganze Döreep net. Net ess, wer dann nu der besoffene Keel woor em Schnieh. Die et wesse, hahlen de Muhl.

Bloß jedes Johr am aachde Jannewar kütt von Ovvelor en schweer Kaar Priketts, widd fürrem Huus vom Karli sengem Vatte opjekipp, un dä Fuhrmann säht: „Ess bezahlt!“

Un wie de Karli uss de Scholl kütt, kritte terek en extra fein Liehrstell ahnjebodde, widd noh de Liehr op de Maschinebuscholl jescheck, alles ömmesöss un met Fahrscheng un Bööche. Un wiere Innschingjöhre ess, kritte en Stell met enem Jehalt wie ene Börjemeeste.

Un ess se Lääbdaach ene Dörepsquass jeblevve.

Nu soll noch ess ee Mensch saage, ze Droosdoref jööv et kenne jescheute Winte.

WILHELM NEUSSER

## JOSEF FÄLLT ÖM

Wat hätt dä Schäng zegg senges Lävvens net all für Streech ussjeheck, un dat net bloß en de Flääjeljohre.

Dat em däs wäjen ävve eene richtich kott wöör jeweers, hann ich esu jood wie nömme jehuert, joh, ich hann en Deel Löck jekannt, die mich av un zoh frooge dähten: „Saach, ess de Vaade me falsch? Hä hätt me bahl att e halev Johr de Schrübbe ode de Putzemme net mieh vestoche.“

Un net bloß dat konnte uss dem Äff-äff.

Eijentlich wohl ich Üch joh net veroodde, wer dä Schäng woor. Nu weßt err et doch. Sall me och rääch senn. Däm Schäng seche och. Hä storrev vüür bahl zwanzich Johr, öm Dreikönnije.

Wie e Exequie hatt, stonnt de Krepp noch met alle Fijuhre, och de drei Könnije, en de Kerrech.

Ov vell von dä hondet ode zweihondet Löck en de Kerrech an däm Morje jruß Loss hatten et Kreppche ze beluure, weëß ich net. Mir jedenfalls hatten ere kenn. Ühr weßt joh och, dat et eenem an esu enem Daach iehr zom Kriesche ess un me ene Knubbel em Hals hätt.

Schlaach nöng jeht de Düür von de Sakresteri op, de Messedeene kommen dorech de Düür, eene trick am Schelleseel, de Pastuur kütt hengeher, un mir stonn op, wie et sich jehüürt.

De Pastuur ess noch jrad en de Medde vürrem Altar für sich ze kneene, doh sehn ich jet sich bewääje, wat net dohinjehüürt, en de Krepp. Domet stüüß mich och att uss Jriet ahn, mir un vell Löck luuren op et Kreppche un kriegen met, dat de hellije Josef janz langsam

noh vörren kipp, sich dann ävve e beißje drähe deht un op de räächde Segg en et Strüh ze lieje kütt.

Me merek, dat en Deel Löck veschreck werde, noch mieh ahn ze tuschele fange un sich jājenseggich opmerksam maache.

Mir vörren en de ierschde Bank luuren uns ahn un mössen, trotdäm dat me de Haupeidtragende senn, jriemele, wie uns Jriet pischpet: „Dat hätt bestimp de Opa jedonn!“ Wie me usse Vatte wājen de Enkele mierschdens roofe donn.

Janz eerns werde me iersch wedde, wie me en von de Leichenhall op senge letzte Wääch an et Jraav bränge, wo de Mama att bahl fönnfundressich Johr litt.

Ävve dann, beim Reuesse, jeht et an eenem Stöck von Vewandte un Bekannte: „Weßde noch, wie de Schäng...“, ode: „de Ohm Schäng...?“ Un dann kommen hondet Streech eruss, die e jelevvet hätt. Un emme heesch et am Schluß: „Doh moht joh noch jet komme, söss wöör et net de Schäng jeweeers!“

„Joh“, säht et Nohpesch Kathrinche, „et söhl mich wondere, wenne em Himmel net och seng doll Töön drop hätt!“

Wolle me et hoffe, dat et doh ovve löstije zohjeht, wie se uss et fröhte öff jemolt hann.

Et Kathrinche widd et jetz att wesse.

Ich velooße mich och drop.

WILHELM NEUSSER

## ESS ENE HONK ENE HONK?

Dreimohl hatten se beim Hein ennjebroche, dobei eemohl et ganze Jehöösch op de Kopp jestellt.

Hä hatt von de Vesicherung bahl alles weddekrääch, hatt nohm zweitemohl esu jar en düür Sicheheitsanlach enbaue looße, wobei em Polezei un Vesicherung jeroode un jeholepe hatten. Jenötz hatt et nix. Noh kohm aach Daach, wie e met sengem Marie e paar Daach „noh ussem Weech“ erjendwo henge Frankfurt woor jefahre, woor nohm drette Broch wedde alles zewersch.

„Saach“, sähte, „dat senn ich esu leed, Jong, die Opräjung, dat Spell met de Pollezei un de Vesicherung, un wenn se och dä drette flöck jeschnapp hann, meng Marie un ich, me hann bahl kenn Rauh mieh em Huus, att jar kenn vürrem Fernsehede ode em Bett. – Un die düüre Anlaach, doh donn ich och nix mieh drop. Ob net doch ene Honk et bäss wöör?“

Jedenfalls dähte sich befrooge, wat für ene Honk et bäss wöör un wat esu e Dier koste däht, wemmeret koofe wöhl, wemmeret en de Honksscholl jööv, wat et Foode koste däht un wat söss esu e Dier bruch, wievell Stonnd de Daach me met em loofe möht, wo meret em Huus ode em Jaade onge könnt

bränge – un, wat et an Honksstüür däht koste.

Wie de Hein ferdich jerechent hatt un op en etliche dausend Marek woor komme, mohte es richtig flooche, „Un“, sähte, „Du bes joh och de Lääbe an esu e Dier jebonge. Wenn ich ere eent hann, well ich em och jerääch werde.“



Su weg, su jood.

Et jinken etliche Woche en et Land, ävve ene Honk däm Hein net ussem Kopp. Un et Marie kühmp alle Daach: „Ich hann deren Angs! – Wells de de net en Schüüß koofe? – Ode somme en Kann met Wasse övve de Düür hange? – Heh, Hein, steht en de Zei-

dung: Wach- un Schließjesellschaft: wir sichern Ihr Heim. – Wöör dat nix?“ Dann knorz de Hein en de Bart, weile dem Marie seng Angs joh vestonn konnt. Ävve watte maache wöhl, dat wosse emme noch seleve net.

En etliche Woche vüür Chressdaach kohm ihre Hubbäät, ihre älste, met Frau un zwei Pänz für e paar Daach ze Besuch.

Dä älste Enkel, bahl aach, esu ene richtig Jong, braht Lävve en de Buud. Su dat seng Oma öff säht: „Jung, bess doch net esu wööß! Du rieß joh noch et Huus av!“

Ävve dä Kleen woor net ze bändije. Et leevs dähte Fußball spille, op dem Opa sengem schöne Wasse, un de Opa spellt männechmohls esu jar met, su dat et Marie säht: „Du ahle Doll! Wells de de noch de Knoche breche? – Un luur ens, wie de de deng jood Botz jrön häss jemaht!“

Ävve Opa un Enkel dähten bloß laache.

Wer ävve bahl net mieh laache däht, och, weile att emme net jelaach hatt, dat woor de Nohpe. Der woor att suwiesu emme jet kolderich jewers un joof sich öff füür nix an et Knorze un Schänge.

Nu wollt dä kleene Wilfried partuu emme lange Flanke schlaage, en enem Jaade, der met Bloome un Strüch zwanzich Mete lang un em Wissedeel net mieh wie sebbe, aach Mete breed ess.

Hätt der Quass die Flanke om Sportplatz jeschlaage, hätt et Tore am laufenden Band jejoove, e paar hätt de Opa att mem Kopp esu jar däm Ilgner en de Kess jesetzt.

Bloß, et woor kenne Sportplatz, un bahl jede drette Ball floch beim Nohpe en de Jaade. Un net jede konnt me met enem Bonnerohm, an däm de Opa esu jar selevs ene Hooke fess hat jeschruuv, wedde erövveträcke.

Un wie dä Wilfried en halev Dotzend mohl jeschellt hatt un noh sengem Ball jefrooch, schlooch dä Nohpe em et nähkstemohl de Düür vüür de Nas zoh.

De anderen Daach floch wedde ene Ball övve de Zong, de Bonnerohm hofel net, un wie se meenten, de Nohpe wöör net deheem, un de Opa dä Quass övve de Zong däht hävve, kohm de Nohpe jeschosse, schannt alles, watte woß, schlooch däm Wilfried e paar henge de Uhre, jaach en am Jaade eraus op de Strooß un nohm dä Ball met en et Huus. Ene neue Ball krääch de Wilfried, un e les jäjen die Klöpp. Ävve en de Nohpeschaff woor jetz janz un jar de Worem dren.

Füür dä neue Ball ze koofe jinken de Hein un de Wilfried en ene jruuße Spellwarenlaade, un se lehten sich Zegg – de Hein woor an zwanzich Johre nemmieh en esu enem Laade jewers –, un allebeeds dähten se stauene, wat et all joov.

Ühr kennt dat joh.

En ganze Zegg dähten se sich ophaale en dä Abteilung, wo et Dier joov uss lese, Holz, Kunststoff, die sich bewääjen konnten, Aape, die erömfupdden, Höng, die von Kopp bess en de Stätz an vier Stelle sich bewääjen dähten, e Krokedil, wat alle paar Sekunde de Schnauz op däht rieße, ene Elefant, dä tröote däht, un wat noch all.

Wie dat Volek wedde heem woor, sooß de Hein oovends am Fernsehse, un et woor wedde su spannend, dat et Marie att noh zehn Menutte schleef.

Wie em de Nacke stief wuurd, schnöcks et en de Hüh, sooch de Hein de Stiern kruus träcke un jriemele. Dat hatt och jewess nix mem Fernsehse ze donn.

Däswäjen frooch et: „Wat häss de wedde drop? Ich sehn et dengem Jeesesch ahn, dat dich de Undooch wedde hätt!“

„Ich jlööven, ich hann et“, säht de Hein bloß, „waad ens av!“

Nu mödde wesse, dat de Hein ene eins-a Technique un Werekzeuchmacher ess un sich en Hobbywerekstatt enn hätt jerich, die sich sehe losse kann.

Doh woore jetz etliche Woche jede freie Menutt drenn, ävve veroode dähte nix, un de Schlössel hatte emme en de Botzetäsch. Am Daach vüür Dreikönnige kütt et Marie nommetaachs em Düüstere vom Ennkoofe, däut mem Ellebooge, weil et de Häng voll Tütte un Jescherr hatt, de Köchendüür op, däut, och mem Ellenbooge, et Leech ahn un – widd duudveschräck, weil mezzen en de Köch ene staatse Terrier steht, ahnfänk ze knoorze un ze belle un mem Stätz ze waggele.

Et löht alles falle, well zeröck en de Flur loofe un jrad schreie: „Höllep! Hein, wat ess dat dann füür e Dier?“, doh kütt der uss de Kelledüür un fänk ahn ze laache, dat em de Buch waggelt. „Dat Dier darfs de de ruhich nöhte besehn, dat bieß dich net“, jappe un jeht vürahn en de Köch.

Hä bruch en halev Stond, füür däm Marie ze expleziere, datte die Fijur von däm Terrier uss Holz hätt jemaht met enem Fell drövvve, ennen holl met ene Batterie un ene Mechanik für Kopp un Stätz ze bewääjen, de Schnauz opzerieße un en de Hengebeen e beßje ennzeknicke. Dozoh kütt e kleen Tonbandjerät, wat zwei Menutte löff met Honksjeknoorz un -jebell, un sich dann wedde zeröckspult. Dat ganze kamme met Fernbedienung loofe losse ode op Automatik stelle, wemme well, dat et alle zwei ode fönnef ode fuffzehn Menutte avlööf ode och met längere Pause.

Un dat klapp. Un dat Dier sieht esu äch uss, doh moß de att janz noh senn, wenn de mereke wells, dat et uss Holz ess.

Wie öm aach de Hännes un de Friedhelem Kaate spelle komme, steht dä „Honk“ am Jaadepöörze, un de Hännes schüüß zesamme un säht: „Du leeve Jott! Häsde de jetz doch enen Honk ahnjeschaff? – Dat schenk ävve ene janz scharefe ze senn!“

Wie de Hein rööf: „Stell! Picco!“, un

der bloß noch ens knoorz un dann stell ess, jonn se erenn, un de Hein verröod net mieh. Ävve späät oovens, wie die zwei heemjonn, löhte de Picco wedde belle.

En de kommende Woch hätte dä Möppmierschdens em Flur stonn, seldom ess em Jaade, un löht en, wenn se deheem senn, wenn 'se fott senn janz seldom, ess alle vierdel Stonnd belle. Net ze vejesse, datte e Schild an de Düür hätt jeschruuv: Vorsicht! Bissiger Hund!

Wenne noh däm Dier jefrooch widd, sähte: „Nä, dä soll me noch net ze vell erömlöofe, dä moß sich iersch an uss un et Huus jewänne.“

Jood. Et senn esu drei Woche vejange, doh kütt ene Breef von de Stadt. „Wir haben in Erfahrung gebracht“, heesch et dohdrenn, „daß Sie Besitzer eines Terriers sind und zwar seit dem 5. 1. d. J. Wir bitten Sie, den Hund umgehend hier anzumelden, da Sie verpflichtet sind zur Hundesteuerabgabe laut §“, ich weeiß net, wat, „widrigenfalls Sie...“, wat en su nöm Breef steht.

Iersch laach sich de Hein halev kapott. Dem Marie ess et unjemütlich. Dann sähte: „Dat hätt bestimmp usse Nohpe ahnjezeech! Waat, dän lossen ich oplöofe!“

„Donn et net, Hein!“ säht et Marie, „Roof ahn un donn dat Spell opkläre!“

Ävve de Hein deht et net, un widd vier Woche späade jemaht un met Ordnungsjeld bedroht, un en de Karwoch kütt eene vom Ordnungssamp un well sich dat Spell besehn, weil me joh enem unbescholtene Börje net tereck jet ahn well hange.

Dä well iersch net jlööve, watte seleve süht, un kritt dann bahl ene Schreikrampf. Wie de Hein en frööch: „Hätt dat menge Nohpe ahnjezeech?“, sähte: „Dat daref ich net saage. Ävve ich werden em schrieve, Ühr hätt jar kenne Honk.“ Dat dehte och, un ke Woort mieh.

Dann vejonn wedde zwei Woche, un wie kuurt vüür Mettaach ess wedde dat Belle ze hüüre ess, schellt et. Et Marie jeht an de Düür. Drussen steht ene Pollezzis. „Guten Tach“, säht dä un tipp an seng Scherremmötz, „Sind Sie Frau Neuenbach?“ – „Ija“, säht et Marie. „Ist Ihr Mann zu Hause?“ – „Enä“, säht et Marie, „wodröm jeht et dann? – Dä ess noh de Poss. Dä moß jlich wedde heh senn.“

„Ja“, säht dä Pollezis e beßje veläaje, „es liegt eine Anzeige wegen Körperverletzung durch Ihren Hund vor. Ich muß den Tatbestand aufnehmen.“

„Wat?“ säht et Marie, „ich jlööv, ihr hatt se net mieh all! – Entschuldigung, dat ess me esu erusjeflutsch! – Kodd iersch ens erenn!“

Domet kütt de Hein öm de Eck.

Zehn Menutte duurt et, bes der Pollezis ferdich ess met Laache, wie e dat Spell expleziert hätt krääch, un dann mosse ess ene Kohn drinke. Em Deens.

Ävve dann witte eerns un säht: „Heh op menge Ahnzeich steht:... wurde am 14. d.M. vom Hund meines Nachbarn angesprungen und bedroht, meine Frau gleichfalls, die fast einen Nervenzusammenbruch erlitten hätte. Und ihr Kleid war stark verschmutzt von den Pfoten des Hundes. Ein halbmannshohes Biest“, un noch etliche Vezäll.

„Waat“, säht dö Pollezis, „dänn krieje me bei de Hammelbeen! Dat jitt en Anzeich wejen vorsätzlicher falscher Anschuldigung. Dat koss dän e paar Lappe!“

Doh luurt et Marien janz eerns un säht: „Nä, doht dat net! Ich well kenne Krach!“ Un de Hein säht: „Weßde wat? – Joht erövve, bränk dä Nohpe her. Dann zeeje me em dä Honk, ich schödden em ene Kohn enn, un dann kenne die Ahnzeich zeröcknäme. Esu venönneftich witte wall senn!“

Dä Nohpe ess mieh wie veläaje, moß dreimohl jenühdich werde, sich ze setze, kritt dä Honk jezeech un expleziert, widd avweerbelnd ruud un wieß em Jeseech, un nohm zweite Kohn halte däm Pollezis de Ärme dar un säht: „Doh me Handschelle ahnläaje! – Nä, wat senn ich ene Blötschkopp! – Un wat maachen ich jetz?“

„Noch ene Kohn drinke“, säht de Hein un schött en uss.

Von wäm ich dat all weeß?

Vom Nohpe, dä zegg dä Zegg beim Skatspelle de vierte Mann ess. Bess jetz hätt beim Hein un beim Nohpe kenne mieh enjebroche. Weil dä Honk, dä kenne Honk ess, eemohl beim Hein un eemohl beim Nohpe em Jaade ode em Huus steht.

Un dä Fußball ess wedde doh. Un Honksstüür bruuchen se net ze bezahle.

WILHELM NEUSSER

## BLETZLEECH


Stellt Üch vüür, Ühr möht ene Auto bruche, wiere öm nongsehnhonet jebaut wuurd, un möht domet op de Autobahn fahre.

Stellt Üch vüür, Ühr däht Ührem zwölefjöhrije Quass e Fahrrad schenke, wie mere eent, – wenn övvehaup – 1880 ze sehn krääch. Stellt Üch vüür, Ühr däht en Express-Fahrkaat von Droosdoref noh München koofe un köhmt domet, statt en sechs Stonnd, en aach Daach nohm Oktobefess. En ene Kutsch.

jede Fortschrett noch für Saache hätt, die me en e paar Johr besse ze maache jeliehrt hätt, un wie me dorech Schaden klooch wierd.

Der Schaden bruch och keene onjlöcklich ze maache, wiewahl ich weeß, dat sich Löck att met enem Stoppe von ene Wingfläsch en et Spidohl hann jebraht. Enä, der Schaden kann och wreklich senn für von Häzze dröve ze laache, fröte ode späade.

Su, nu denkt zeröck an nongsehnhonetachunvierzich!



Wie sooch vüür hondet Johr en Bottekiern uss, wie wuurd et Kohn avjemaht, e Loch jebohrt, wie kohms de ahn e Beldche von de Jroß, dengem Liebche, denge Pänz? Häts de se moole könne ode esu jar et Jeld jehatt, se moole ze losse?

Domet senn ich bei mengem Thema. Wat net heesch, alles Ahle, wat uss höck primitiv un öff zom Laache vüürkütt, schlääch ze maache, wat et joh wreklich net woor, nä, ze zeeje, wat

Richtich. De Kreech ess eröm un die drei Johre Maggelzegg. De Währungsreformem hätt uns wedde jood Jeld en de Häng jesorrech un wedde Jescherr en de Fenstere, wat de koofe kanns, Jescherr, su jood, wie meret kuurt vüür Chressdaach wedde maache kann. Nu sühsde Streech! Et Chresskinche hätt menge Wunsch jeroode un mer ene Fotoapperat jebraht, en sechsmohl-nöng Fotobox. Einfache jeht et net, un bellich ess se, un die Beldche, die de

domet maache kanns, senn jar net esu schlääch. Ich hann ere hüeck noch.

Ich hann en Freud an däm Denge, dat jlöövs de net, och wemme kenn Entfernung ode jet andesch, wie höckze-daach an dä raffenierte Kameras, enn kann stelle. Einfach: du luursch, dröcks et Häbelche erav, klick! Feerdich. De Filemroll weggedrähe bes op de nächste Zahl. E neu Beldche.

Eent em Zemme maache? Hätt kenne Zweck, och met de Lamp net. Schaad! Dann könne me et Kreppche net knipse. Un op enem Filem senn och bloß aach Beldche drop. Doh muß me sparsam met ömjonn!

Nu jonn ich, woröm, weef ich net mieh, ess och eja! zwesche Chressdaach un Neujohr dorech et Dörrep, doh lassen ich – woor et op de Kölne-strooß beim Bernauer? – e jruuß Plakaat em Schaufenste: Das Wunderblitzlicht! Ideal für Ihr Sylvester-Foto! Et schnöcks mich eröm, ich beluuren dat Beld dobei: ene schöne Mann met enem Fotoapperat, dänne op e noch schöne Mädche hält, – beeds senn se ahnjedonn, net wie höck halev ode janz bläck – un dozwesche ene Bletz, enä, e janz Kaarerad von Bletze, un ongen en de Eck e Foto von däm Mädche, jebletz vüür enem Ferkelche met Jlöcksklieh un Hoofiese öm de Hals un „Prosit 1949“!

Un jet kleene jedruck: Die Dreierpakung nur DM 2,70! Zwei Marek sebbezich ess vell Jeld für ene ärme Student.

Wie ich wedde ömkomme un lans dat Schaufenste, weef ich, dat ich noch jet mieh wie zwei Marek sebbezich en de Täsch hann. Un koofen die drei Bletz.

Dofüür kriejen ich e Pappdeckelsdösje met drei Tüttche drenn un en Jebruchsanweisung.

Dat Tüttche, drei Fenge breet un lang, hät zwei Faddem: eene dönne, ovven ene haleve Mete lang, „zum Aufhängen an freistehendem Gegenstand, z.B. Besenstiel, in Stuhllehne gesteckt, s. Abbildung“, ene andere, jet deckere, dovüür ävve bloß halev esu lang, dä noh ongen hänge soll, „Entfernung zum Aufnahmeobjekt ca. 3 Meter, mit Streichholz, Kerze o.ä. anzünden“.

Wie ich uss Jriet esu knipse well, muß ich noch ens nohluure, dat et heesch: „helle Zimmerbeleuchtung löschen, Auslöser auf Zeit stellen, nach Anbren-

nen der Schnur 3 sec. festhalten, bis Blitz gezündet hat“.

Dat klapp, un et stellt sich späade eruss, dat uss Jriet e janz net Weech ess. Op däm Beldche.

Nu mööch ich joh och esu e Beldche mem Chressbohm un de Famellich, alsu och met mir drop, maache.

Ävve wie maht me dat? Dä Häbel op Zegg stelle, jehet joh noch. Ävve wer deht de Auslöse dröcke?

Noh jet Prackessiere denken ich me: e ahl Stativ von vüürem Kreech hamme noch. Dat paß esu jar. Nu mösse me alle fönnef usse Plaaz ennämme. Für mich muß eene freijehaale werde, ich muß dat Bletzleechtüttche ophänge, an en Scheer, – jet Besseres fällt me jrad net enn – ene Faddem benge, dä e Schlöppche hätt, un dat muß ich öm dat Usslösehäbelche kreppe.

Von däm Jewich von dä Scheer widd dat Häabelche eravjetrocke, un wenn dobei et Leech uss ess, kann joh nix passiere.

Alsu de Kamera ennjerich, – hoffentlich verötsch se net, wenn ich die Scheer drahnhänge – Mooß jenomme, wo ich hin muß jonn, wenn ich de Zündschnur am brenne hann, ohne övve ene Stohl ze falle, et Leech uss, die Scheer an dat Häabelche jefummelt, e Füürspöönche ahnjemaht, an de Schnur jehaale, flöck an menge Plaaz, et Jeseech op „Vühelche“ jetrocke, „Fummm“, bletz et att.

Möht jeklapp hann!

Eene maht et Leech wedde ahn. Ich

well de Scheer vom Häbelche nämmen, doh sehn ich: dat woor jar net eravjedröck! Dat Schlöppche hänk an ene Kant von dä Box! Net am Häbelche! Hät at für de Katz jeblezt!

„Loß me noch ens probiere. Du häss joh noch ene Bletz“, säht uss Jriet.

Wie ich de drette Bletz uss däm Pappüttche well krieje, jerööt me et Köördche en de Fengere, un iehr, dat ich weef, wat ich donn, ode att jedonn hann, hann ich de Zündschnur en de Fengere. Enä, e Stöckche von drei Zentimete ess noch am Tüttche. Domet kanns de kenne Knöddel maache.

Wie ich die Scher dissmohl richtich am Häbelche hänge hann, weil et Leech noch ahn ess blevve, – äätsch! Ich hann e Dooch vüür et Objektiv jehange! –, et Leech uss ess, et Dooch fott un ich et Füürspöönche am brenne hann un dat an dat Schnibbelche Schnuur haale, ävve att eene Fooß en Richtung Famellich stonn hann, weef ich noch net, ov de Flamm an de Schnur ess, doh maht et att „Fumm“, eene juhz, „Huch“, ich saagen: „Scheiße!“ – ess net fein, ävve wohr –, ich hann Krengel vüür de Ooge, och wie et Leech wedde ahn ess – ävve kniepe däht ich och fröhe att –, ävve velleech ess wennichstens menge Buch op däm Beld.

Wie ich et späade Löck jezeech hann, woß kenne, wat dat senn sollt. Ov ich schwazz woor em Jeseech noh däm Bletz? – Enä. Ich well doch net leeje.

Su en Bletz hann ich kenn mieh jekoof.

WILHELM NEUSSER

## BAADEDAAACH

„Dreck hält wärem“ woor fröhe seche mierschdens kenn Fillesofie, mieh ene Behelef. Un wer sich eemohl de Woch baade däht, feel bahl att op.

Dozoh kohm, dat me dohzomohl och noch vell mieh schämmdich woor, seche su övvedrevve, wie hüeck övvedrevve em Jäjendeel.

Nu kütt de Hein Samsdaachs meddaachs von ene längere Jeschäftsrees heem un freut sich op seng Famillich

un op et Setze em joode Zemme des Oovends.

Et Kathrihnche, seng Frau, hätt em jet extra Joodes jekoch, wenn et, kuurt nohm zweite Weltkreech, och noch net ze vell jitt. Ävve de Währungsreform ess jrad eröm, un met e beßje Jescheck un Liebe kritt me heh un doh e Lækkerche füür de Männi parat. Nohm Esse deht et Kathrihnche ene jruuße Kessel Wasse op de Ovve setze un

uss de Wäschköch die jruuße Zinkbadebött eropholle, wo söss alle vierzehn Daach de jruuße Wäsch drenn enjeweech widd un ussjespööt. E Badezemme hann de Hein un et

thrihnche ene joode Kaffe op, wat se sich zoh der Zegg och noch net alle Daach leiste könne, de Hein hätt e paar Stöckche Kooche met jebraht un kroos uss senge Aktetäsch och e Tüt-

Do kritt et Kathrihnche ene ruude Kopp un säht: „Ich hann en neu Fläsch jehollt. Hann ich vom Wertschaffsjeld jespärt. Weil de doch noh zwei Konjak esu jeern schmuuse dehs.“ Un et widd



Kathrihnche en dä kleen Wohnung noch net. Ävve wer hätt dat en der Zegg att? Wo noch esu vell Hüüse halev ode janz kapott senn?

Wie et Kathrihnche jespööt un opjerühmp hätt, de Hein ens dorech de Zeidung jeluurt un jett met däm Kleen von zehn Moond jespellt un enn en se Bettche jedonn hätt, schödd et Ka-

che Cremehötche un en Doos Praline erus.

„Mann“, säht et Kathrihnche, „Mann, bes de janz des Deuvels, su vell Jeld usszejävve! – Jetz moß de ävve och ne Konnjak bei dä Kaffe drinke!“

„Jeht net“, säht de Hein, „dä hamme doch de vörije Woch läddich jemaht, wie de Pötze heh wooren.“

noch mieh ruud. Ich nämnen ahn, weil et och jeern schmuuse deht. Ävve esu janz jemütlich ess et noch net.

Dä Petteche, ihre älste Quass, jood viernehalev, – un e Weech kütt noch noh –, ess ärech onjedöldich un mööch jeern mem Papa spille, un e les hann, un Rädche fahre, un Peerd un Koh moole, un quengelt eröm.

Et Kathrihnche hätt de Ovve su jood jestoch, dat der ruude Backe kritt un en ene haleve Stond dä jruuße Ennmaachkessel voll Wasse ahn ze senge fänk un en Hetz en de Köch ess wie en enem Backovve.

Un vüür ene vierdel Stonnd ess de Sonn erussjekomme, un wenn et och des Morjens noch naaßkalt woor, jetz süht me, wie de Maisonn et drussen wärem mäht.

„Petteche“, säht de Hein, „häss de kenn Loss, vüür de Düür om Troote- waar jet Rädche ze fahre? Un wenn de maachs, kanns de de och en Porzijohn les hengen en däm Jeschäff holle. – Ävve net op de Strooß fahre!“

Et Kathrihnche deht däm Quass de Schönche ahn, et Jäckche nimmp et wedde met eren, wie et ahn de Huus- düür jeprüf hätt, dat et wärem jenooh ess – övve moorn hamme Wellem –, un säht noch: „Nu fahr net ze wööb, datte net ömkippes un de wieh dehs!“

Dobei hätt et att esu öff henge de Jadinge jeluurt un ess zebasch stolz jeweers, wenn et sooch, wat dä Quass met däm Rädche flitze konnt. Un wie e Donnewädde öm de Böhm eröm däht flitze.

Domet kütt dä Hein met däm Rädche uss dem Kelle, dreht et op et Trotte- wahr erav, pack en de Botzetäsch, kritt et Portemaneh un höllt fönnef Jrosche eraus. Die däute däm Petteche en de Hand un säht: „Su, velier et net!“

De Petteche wösch sich ens met de Mau onge de Nas, deht et Jeld en seng Botzetäsch stoppe, – hätt et Kathrihnche seleve jemaht, uss enem ahle Ahnzoch von sengem Vatte, die Botz, net bloß die Tasche – un setz – schwupp – op däm Rädche. Dann klingelte, met ene Klingel, genau wie senge Papa een am jruuße Rad hätt, trett en de Pedale un jöck de Strooß erav, op de invangelische Kerech ahn, emme avweerßelnd em Booge bes links, dann bes räächs an de Kant von dä Dobbeldreih Platte. Un wo een kapott ess öde söss e Loch, fiehrte wie ene Weltmeiste drömeröm.

Däm Hein deht dat och jood, datte met jrad dressich att esu e staats Quässje hätt.

Hä rööf noch ens: „Pass op!“, luurt op de Uhr un denk: „Och, en Stonnd kann dä Quass ruhich drusse blieve.“ Dann jehte wedde eren.

Mir blieven drussen un luuren, wie dä Petteche em Rubbedidupp die dreihondet Schrett bes ovven ahn die Strooßeck ess jefääch, doh zweimohl de Aach fiehrt, vüür- un zeröcksetz, avsteech, weil an dä Muur jrad en Schneck huhschleevet un ihr Hörne von eene Segg op de andere bewääch, äs wenn se besoffe wöör.

Dann kütte wedde ömjeflitz.

Vier, fönnef Hüüse vüür ihrem Huus hälte wedde ahn, stellt sich op de Pedale un luurt doh övve dat Müürche en dä Vüürjaade, wo ene jruuße Struch tränende Häzzje blöht, un janz vell Käfere met enem schwazz-ruude Schild om Rögge de Muur erop- un eravloofe.

Hä fiehrt nu noh de ande Segg am Huus vebei, un doh ess, drei Hüüse nävve inne, de Beienhoffs Franz em Vüürjardche am planze. Un seng Frau litt em Fenste un luurt zoh.

„Tach, Petteche“, säht de Franz, „dehs de Rädche fahre? Wo fiehrsch de dann hin? Un bess de janz alleen? Wo ess dann de Karlche von nävvenahn?“

„Weeß ich net“, säht de Petteche, weile su vell Frooge op eemohl net beantwoorte kann. „Onkel, wat machs de dah?“

„Ich planze Studenteblome“, säht de Beienhoff un fröoch: „Petteche, darvs de dann janz alleen heh erömfahre? Weeß dat de Mama?“

„Ija“, säht de Petteche, „un“, domet steeche av, pack en de Botzetäsch un knibbelt se Jeldstöck eraus un streck et op dem flache Hängche däm Beienhoff entjäen –, „un heh hätt me de Papa ene Marek jejevve, un domet davev ich me les holle un en Stonnd drusse blieve. – Un de Mama deht de Papa baade!“

Un klatsch met de flache Hand op dat Jeldstöck, mäht et Füüßje zoh, schwupp, setze wedde op sengem Rädche un schörrech op dat Jeschäff ahn, ovven dat, wo et les jitt.

Un de Beienhoffs luuren sich ahn, ene Oogenbleck janz vedutz, un plätzen dann eruss vüür Laache.

Vierzehn Daach hann seret füür sich behaale könne, dat dem Petteche seng Mama de Papa baade däht.

Un wenne nu jewahr werde däht, wer dä Petteche woor?

Wöör dat schlemm?

WILHELM NEUSSER

## AUTOS MET VIER LAMPE

Wenn eene achzich widd un noch esu jood drahn ess wie de Hermann ze Königswinter, ene Bönnsche Jong un fröhte menge Schäf, wie ich noch jonge Schollmeeste woor, der söhl et sich leiste, örndlich ze fiere.

Dat deht dä Hermann och, un hä ess von morjens bes oovens munte, un et Ässe un Drinke schmeck em, un e paar Zerättche, en etliche heemlich, och.

Wie noch andere, fröhre Kolleje zom Kaffedrinke komme un jrateliere, esse

Bes me am Huus senn, hätte se all, mich och, breetjeschlaage, noch op ene Schnaps met erennzekomme.

Wievell semme? Aach, zehnn, zwölef. „Wat drinks de?“ frööch de Ejon, dä att vom Hermann en Fläsch en de Hand jedaut hätt krääch. Wat drinken ich? – Aha! Ene Aquavit.

Kohm ess dä fott, ess et Jläsje wedde voll, dissmohl met Fürst Bismarck. Un ene Obstle mösse me noch probiere. „Un“, säht de Ejon ode de Erich ode ich weeß net wer, „am beste schmeck

Ess dat net prima?

Jlich drop hamme uns zom drette ode viertemohl veabschiedt un senn an Königswinte eruss un op de Autobahn. Bei Ovvekaaßel falle me zweschendo-rech de Ooge zoh. Ävve dann kütt e Stöck, op Beuel ahn, wo me de Jäjen-vekehr en lang Streck komme kann sehn. Doh werden ich – hick – wedde hellwach, un luuren, un luuren noch ens: wat ess dat eemohl? All Autos, die uss entjäjenkomme, hann vier Lampe! – Wat ess dann doh loss?



opjekratz wie ene Fuffzichjöhrije, der jrad von Urlaub heem ess komme.

Et widd vell jelaach un jekuhjaks, weil sich och uss Fraue von männeche Tuur jood kenne, et widd specktakelt beim Oovendässe, en de Wiertschaff, un männech Jlas Sekt un männeche Kohrn moß drahn jlöëve.

Joozeggs meene me ävve doch, me möhten bahl jonn, de Hermann möht ess leed senn. Me stonn op un fangen ahn, uss ze veabschieden. De Hermann trick e beßje en Schnuut. Me meent, hä hätt noch kenn Loss für heemzejonn.

En etliche hann de Auto öm de Eck stonn un senn fott. En halev Dotzend ävve hann de Auto beim Hermann en de Nöh stonn. Met dänne zöggelte op heem ahn.

emme noch ene Maltese, ieskalt, jäjen kahl Fööß!“ Woor dat de Jörjen?

Alsu jood. Un wereklich jood esse. „Saach“, moß ich ävve nu de Hermann frooge, „saach, du hatts uns doch bloß op eene Schnaps noch ennjelaade!“

„Ja, bess de dann doll?“ säht de Hermann, „woröm fängs de dann och att ahn ze zälle? – Ävve wenn de kenne Schnaps mieh maachs, hollen ich noch en Fläsch Sekt erop!“

Ävve mieh wie drei Jläsje – hick – hann ich ävve net dovon jedronke, wie me – hick – jäjen zwölef, haleve zwei doch endlich heemjonn.

Auwei! Heemjonn! Mem Auto!

„Komm“, säht me Mariännche, „ich fahren. Ich hann joh nix jedronke.“

Wie ich me Mariännche frooge, fänk dat ahn ze kichere.

Wie ich e paar Woche späade die Kolleje däht frooge, dähten die all esu, äs wenn se nix wößden ode nix jemerek hätten.

Hatt Ühr att jet Ähnliches erlävv?

Dann doht mich doch ens opläre. E Breefje ode ene Ahnroof jenüüch.